

DRAMATIČNO Analitičar iz Brisela Tobi Fogel upozorio na stanje u BiH

Budžeti su bankrotirali!

Vrlo sam kritičan prema lošim privatizacijama koje najavljuje Federalna vlada • Fiskalni sistem puca: ili neće biti penzija, ili će biti smanjene

Politički analitičar iz Brisela Tobi Fogel (Toby Vogel) ocijenio je u razgovoru za "Dnevni avaz" da nezadovoljstvo bh. građana zbog aktuelne političke, ekonomiske i socijalne krize raste. Ne usuđuje se još prognozirati hoće li možda i 2015. godina biti obilježena socijalnim nemirima i masovnim protestima građana protiv nesposobne vlasti, ali kaže da stvari, pogotovo u Federaciji, nisu nimalo dobre.

Nova runda

Federalna vlada je najavila novu rundu privatizacija u ovoj godini. Ako se ovo ne uradi dobro, a ja ne vidim nikakve naznake o ozbiljnog planu privatizacije, to će, jednostavno, rezultirati bogaćenjem dobro uvezanih biznismena, i to parama radnika i poreznih obveznika. Zbog toga sam vrlo kritičan

prema lošim privatizacijama - kazao je Fogel.

Nadalje potvrđava da su entiteti i kantonalni budžeti, praktično, bankrotirali te da će "prije ili kasnije doći do pucanja fiskalnog sistema".

- Ili više neće biti isplata penzija i plaća, ili će biti drastično smanjene! U svakom slučaju, bit će bolno, a najveću bol će svakako snositi radnici, penzioneri, obični građani. Građani moraju shvatiti da stvaranje novih radnih mesta treba doći iz privatnog sektora. Svakako politička vlast mora mu omogućiti bolji ambijent - istakao je Fogel.

Na upit kakav odnos ima međunarodna zajednica prema vrlo izvjesnim socijalnim nemirima u BiH ukoliko se stvari ne pokrenu s mrtve tačke, Fogel je kazao da je krucijalna stvar za EU i

SAD stabilnost u BiH te u zemljama zapadnog Balkana.

- Niko ne zagovara nasilje. To je neprihvatljivo u demokratskim sistemima. Ali BiH je društvo s još neizgradenom demokratijom. Imate demokratske izbore, ali nemate vladavinu prava, tako da "jači pobijeduje". S druge strane, ja ne vjerujem u tezu da je stabilnost neki sveobuhvatni cilj. Nekad je nestabilnost potrebna da bi se postigao napredak - rekao je ovaj evropski analitičar.

On, također, ističe da događaji u Ukrajini pokazuju da EU sebi ne može priuštiti da ignorira svoje susjede. Napominje da ruski predsjednik Vladimir Putin prodire na različite načine u Evropu, kao što je slučaj sa RS, putem energetskih dilova.

Humanitarni centar

- Pitam se ima li iko kontrolu nad onim što Rusi rade u svom "humanitarnom centru" u Nišu. Rusija je pokazala da može, ako hoće, biti prijetnja i evropskom putu BiH i mandatu EUFOR-a. Trenutno možda to nije primarno u Putinovom interesu, ali se to vrlo brzo može promjeniti - potvrdio je Fogel.

A.DUĆIC

Strategija za Balkan

Kako je istaknuo, proširenje je jedina strategija EU kada je riječ o zapadnom Balkanu te je Briselu zato u interesu da ga ubrza. EU želi otvoriti razgovore o članstvu sa svim zemljama u regionu, ali svi znamo

da, barem do sada, to nije bilo moguće uraditi s BiH, Makedonijom i Kosovom. Zbog te činjenice tvrdi da će aktiviranje Sporazuma o stabilizaciji i pridruživanju za BiH pomaknuti stvari naprijed.



FOGEL:
*Nezadovoljstvo
građana raste*

Preživjele žrtve genocida u BiH očekuju istinu i vjeruju u pravdu

Kada će ratne zločince deportirati iz Amerike?

Utočište u SAD, između ostalih, pronašli Vinčko Topalović iz Dervente, zatim Dobojlija čiji je brat komandovao zloglasnim "Predinim vukovima", te Slobodan Mutić

Predstavnici udruženja preživjelih žrtava genocida u Srebrenici saznali su kroz



Predrag komandovao zloglasnom jedinicom "Predinim vukovi", koja je počinila naimon... prošlosti, koje bi imigracijske službe SAD mogle deportirati. Kada Hotić,